

Ավիհնա Աղաբաբյան

ԼՂԻՄ-Ի ՏԱՐԱԾՔԱՅԻՆ ՅՈՒՐԱՑՄԱՆ ՈՐՈՇ ԴՐՍԵՎՈՐՈՒՄՆԵՐ 1920-1930-ԱՎԱՆ ԹԹ.

Արցախ, ԼՂԻՄ, Ադրբեջան, խտրական քաղաքականություն, տարածքային յուրացումներ, սահմանների վերաձևում

1920 թ. ապրիլի 28-ին Խորհրդային Ռուսաստանի 11-րդ Կարմիր բանակը մտնում է Բաքու, վերացնում թուրքական բանակի կողմից հիմնված Ադրբեջանի Դեմոկրատական Հանրապետությունը և հիմնում նորը՝ Խորհրդային Ադրբեջանը*։ Չնայած այն հանգամանքին, որ ԱդրիսՍՅ-ն հիմնվում է որպես մեկ տիտղոսակիր ազգ չունեցող ոչ ազգային (ինտերնացիոնալ) հանրապետություն, որտեղ հայերը դիտվում էին պետականակերտ ազգերից մեկը, անդրկովկասյան թուրքերի (ռուսական աղբյուրներում՝ կովկասյան թաթարներ) ձեռքում հայտնված Բաքուն ի սկզբանե ձեռնամուխ է լինում հանրապետության հետևողական ադրբեջանականացմանը (թուրքացմանը)։

Ակնհայտ էր, որ իշխանության գլուխն անցած անդրկովկասյան թուրքերի համար հանրապետության ադրբեջանականացման գործընթացի գլխավոր խոչընդոտը հայերն էին, ովքեր առանձնանում էին իրենց կարգավիճակով, ազգային կայացած ինքնությամբ և դավանանքի ու մշակութային յուրատիպությամբ։ Եթե հանրապետության տեղաբնիկ իսլամադավան ժողովուրդների ադրբեջանականացումն իրականացվում էր բռնի ձևով ան քաղաքականության միջոցով¹, ապա հայերի

* Խորհրդային իշխանություններն այդ շրջանում հնարավոր չգտան Արևելյան Անդրկովկասում տեղի թուրքերի՝ կովկասյան թաթարների ազգային պետության հիմնումը։ Երկրամասը բազմաթիվ տեղաբնիկ ազգերի՝ հայերի, թալիշների, լեզգիների, թաթերի, ուղիների և այլ ազգությունների ընդհանուր հայրենիքն էր, իսկ Բաքուն անգամ թուրքական գործերի կազմակերպած ջարդերից հետո էլ թուրք-թաթարական դիմագիծ չունեց։ Ազգային հարցը լուծելու նոր մոդել էր անհրաժեշտ՝ ի դեմս ինտերնացիոնալ, արտազգային Ադրբեջանի, որը ժողովուրդների սոցիալիստական բարեկամության և եղբայրության օրինակ պիտի հանդիսանար ողջ Խորհրդային տարածքի համար, ինչպես նաև հարթակ՝ դեպի Արևելք «կարմիր հեղափոխության» տարածման համար։ Միայն 1936 թ. ԽՍՀՄ սահմանադրության ընդունումից հետո անդրկովկասյան թուրքերին, որոնք մինչ այդ տեղաբնիկ իսլամադավան ժողովուրդների հետ միասին հանդես էին գալիս «մահմեդականներ» ընդհանուր անվամբ, Ստալինի կողմից տրվեց ադրբեջանցիներ «էթնանունը», ինչի շնորհիվ ինտերնացիոնալ Ադրբեջանը հետզհետե «դարձավ» ազգային հանրապետություն, անդրկովկասյան թուրքերն էլ, «վերածվելով» ադրբեջանցիների, մեխանիկորեն ստացան հանրապետության տիտղոսակիր «ազգի» կարգավիճակ։

¹ Իսլամադավան բնիկ ժողովուրդների ձուլումն արագացնելու համար 1930-ականներից նրանց համար մտցվեց հատուկ հարկատեսակ՝ լեզգի փուլու կոչվածը, որը նրանք պետք է վճարեին իրենց երեխաներին մայրենի լեզվով կրթություն տալու համար։ Արդյունքում՝ հարկից խուսափելու համար շատ թալիշներ, լեզգիներ և այլն «դառնում էին» ադրբեջանցիներ... Բնիկների ձուլման և ադրբեջանականացման քաղաքականությունը լավագույնս արտահայտվում էր պաշտոնական վիճակագրության մեջ։ Եթե, օրինակ, 1926 թ. մարդահամարի տվյալներով հանրապետությունում

պարագայում Ադրբեջանն այլ լուծում էր գտել. Բաքվի ղեկավարների կողմից գործի էր դրվել տնտեսական և քաղաքական հետապնդումների միջոցով Ադրբեջանին բռնակցված հայկական տարածքներից հայ ժողովրդին դուրս մղելու և հնարավոր բոլոր միջոցներով այդ տարածքները յուրացնելու քաղաքականությունը:

ՌԿ(Բ)Կ Կենտկոմի Կովկասյան բյուրոյի հուլիսի 5-ի հայտնի որոշմամբ, որն ընդունվել էր նման հարցերի լուծման իրավասություն չունեցող երրորդ երկրի կուսակցական մարմնի կողմից և ընթացակարգային կոպիտ խախտումներով, Լեռնային Ղարաբաղը, որպես մարզային ինքնավար կազմավորում, բռնակցվում է Ադր. ԽՍՀ-ին: Սուտ երկու տարի տևած ձգձգումներից և ԼՂ-ին ինքնավարություն չտալու կամ հարցը մոռացության մատնելու փորձերից հետո 1923 թ. հուլիսի 7-ի դեկրետով¹ Խորհրդային Ադրբեջանի ղեկավարությունը դժկամորեն և, ըստ էության, հարկադրաբար կազմավորում է Լեռնային Ղարաբաղի Ինքնավար Մարզը: Դեկրետը, սակայն, խախտելով Կովբյուրոյի հուլիսի 5-ի որոշումը, այն է՝ կազմավորել Լեռնային Ղարաբաղի ինքնավար մարզ **ողջ ԼՂ-ից**, հայտարարում է Լեռնային Ղարաբաղի «հայկական հատվածից» ինքնավար մարզ կազմավորելու մասին՝ Շուշիի փոխարեն էլ մարզկենտրոն ունենալով Խանքենդի (Վարարակն) բնակավայրը: Այս կերպ Ադրբեջանի ԽՍՀ-ն ի սկզբանե Լեռնային Ղարաբաղից կտրում և մարզի սահմաններից դուրս է թողնում Շահումյանի, Խանլարի, Քարհատի, Շամքորի, Գետաբեկի, Քարվաճառի, Քաշաթաղի և ԼՂ հարավային շրջանները, ասել է թե՛ Լեռնային Ղարաբաղի հարթավայրային շրջանը, արևմտյան հատվածը և ողջ հյուսիսային տարածքը՝ Գյուլիստանն ու Գանձակի լեռնային հայկական շրջանները: Այսպիսով, ընդամենը մեկ որոշմամբ 11.5 հազար քառակուսի կմ տարածք ունեցող պատմական Արցախից օտարվում և յուրացվում է նրա զգալի հատվածը՝ մոտ 7 հազար քառակուսի կմ տարածություն: Ադրբեջանի համար, իհարկե, այսքանը բավարար լինել չէր կարող:

Չկարողանալով խուսափել իրեն բռնակցված հայկական տարածքներում խորհրդային տիպի առանձին ազգային-պետական միավորի ստեղծումից, ինչն անընդհատ պիտի բոլորին հիշեցներ ԼՂԻՄ-ի ոչ ադրբեջանական (թուրքական) լինելու փաստը, Ադրբեջանի իշխանությունները վճռում են երկրամասի յուրացումն ու ադրբեջանացումն իրականացնել այլ ճանապարհով: Խնդիր է դրվում «աննկատ» հայաթափել մարզը և ժողովրդագրական, էթնիկական առումով այն դարձնել թուրքական տարածք, ինչի արդյունքում՝

ապրում էր 77.3 հզ թալիշ, 1939 թ. տվյալներով՝ 87.5 հզ, ապա 1959 թ. մարդահամարի համաձայն Ադրբեջանում մնացել էր ընդամենը 100 թալիշ, իսկ արդեն 1970-ականներին Ադրբեջանում բնակվող ազգությունների մեջ թալիշներ չկային ընդհանրապես: Նույն պատկերն էր նաև մյուս ազգությունների դեպքում: Բնիկ ժողովուրդները գնալով «անհետանում էին», փոխարենը սրընթաց «աճում էր» ԱդրխՍՀ-ի «տիտղոսակիր ազգության» թվաքանակը: Տե՛ս Мелик-Шахназарян Л., Хачатрян А., Этнополитика Азербайджана, Ереван, 2007, с. 27-32.

¹ Нагорный Карабах в 1918-1923 гг. (сбор. документов и материалов), Ереван, 1992, стр. 669, 670. К истории образования Нагорно-Карабахской автономной области Азербайджанской ССР.

1918 - 1925: Документы и материал, Баку, 1989. с. 152, 153. Собрание узаконений и распоряжений Рабоче-Крестьянского Правительства АССР за 1923 г. Баку, 1923, с. 384-385.

ա. ինքնորոշման սուբյեկտ հանդիսացող Արցախի ժողովրդի բացակայության պարագայում կվերանար այդ տարածքներում ազգային-պետական կազմավորման՝ հայկական ինքնավարության գոյության անհրաժեշտությունը, այն կլուծարվեր՝ վերածվելով ԱդրեսՄ-ի մեկ կամ մի քանի շրջանների,

բ. այլևս ոչինչ չէր հիշեցնի այդ տարածքների հայկական և հայաբնակ լինելու հանգամանքը,

գ. կկասեցվեին հայերի հետագա հնարավոր «նկրտումները» և «ոտնձգությունները» երկրամասի նկատմամբ:

Արցախի ժողովրդին իր իսկ սեփական, պատմական հողերից «ինքնական» բռնագաղթեցնելու ծրագրերն իրականություն դարձնելու համար Բաքուն ԼՂԻՄ-ի նկատմամբ ի սկզբանե որդեգրում է ազգային խտրականության քաղաքականություն, որը դրսևորվում էր մարզի կենսագործունեության բոլոր ոլորտներում, անգամ մարզի անվանման ընտրության հարցում:

Խորհրդային Միությունում, որպես կանոն, ինքնավար հանրապետությունները և մարզերն անվանվում էին այնտեղ ապրող տեղաբնիկների անուններով: Բացառություն էին կազմում տարբեր տարիներին ԽՍՀՄ-ում կազմավորված ընդամենը 6 ինքնավարությունները, որոնց անվանումները կրում էին զուտ աշխարհագրական բնույթ, և նրանց մեջ որևէ հիշատակություն չկար ինքնավար հանրապետության կամ մարզի տեղաբնիկ էթնոսի մասին: Դրանք էին Ղրիմի Ինքնավար Խորհրդային Սոցիալիստական Հանրապետությունը, Դաղստանի ԻԽՍՀ-ը, Աջարական ԻԽՍՀ-ը, Լեռնային Բաղախշանի Ինքնավար Մարզը, Նախիջևանի ԻԽՍՀ-ն և Լեռնային Ղարաբաղի Ինքնավար Մարզը: Եվ ամենևին պատահական չէ, որ ԽՄ-ում գոյություն ունեցող այդ վեց «քողարկված» ինքնավար կազմավորումներից երկուսը խորհրդային Ադրբեջանին բռնակցված հայկական տարածքների վրա ձևավորված հայկական ինքնավարություններն էին: Նախիջևանի ԻԽՍՀ-ի և ԼՂԻՄ-ի անվանումների հարցում Ադրբեջանը միանգամայն մտածված էր գործել: Ինքնավարությունների անվանումներից «հայկական» բառը դուրս թողնելով և էթնիկական հասկացությունները փոխարինելով աշխարհագրականով՝ Ադրբեջանի իշխանությունները միաժամանակ մի շարք խնդիրներ էին լուծում.

ա. ստվեր նետել խորհրդային իշխանությունների կողմից Հայաստանից օտարված բնիկ հայկական և հայաբնակ տարածքները նորաստեղծ Ադրբեջանին հանձնելու փաստի վրա,

բ. քողարկել այդ տարածքներում տեղաբնիկների՝ հայերի նկատմամբ Ադրբեջանի կողմից տարվող էթնիկ զտումների քաղաքականությունը,

գ. ինքնավարություններն «անոնիմ-անանուն» դարձնելով՝ քողարկել այդ տարածքների հայապատկան և հայաբնակ լինելու հանգամանքը և էլ ավելի դյուրին ու աննկատ դարձնել այդ տարածքների թուրքացումը: Անդեն «Լեռնային Ղարաբաղի Ինքնավար Մարզ» անվանումը պատկերացում չէր տալիս տարածքային այդ կազմավորման ազգային պատկանելության մասին: Անվանումից ելնելով՝ կարելի էր մտածել, որ ԼՂԻՄ-ում ապրում են ղարաբաղցիներ (Նախիջևանում՝ նախիջևանցիներ),

որոնց հայ լինելու մասին ոչինչ չէր վկայում: Նույն հաջողությամբ մարզի բնակիչ դարաբաղցին կարող էր լինել ինչպես հայը, այնպես էլ թուրքը, և եթե մի օր մարզի ողջ հայ բնակչությունը «փոխարինվեր» ադրբեջանցի թուրքերով, արտաքին աշխարհի համար դա նկատելի չէր լինի*¹:

Ավելին, քողարկելու, կոծկելու համար այն իրողությունը, որ ԼՂԻՄ-ն ապօրինաբար ձևավորվել էր ոչ թե ողջ Լեռնային Ղարաբաղի տարածքում, այլ նրա ընդամենը փոքր հատվածի վրա, 1936 թ. մարզի անվանման «փոքրիկ» ձևափոխություն կատարվեց: 1923-1936 թթ. մարզը պաշտոնապես անվանվեց էր «

» (): Այս անվանումը բացահայտ մատնանշում էր, որ մարզը Լեռնային Ղարաբաղի ընդամենը ինքնավար մի հատվածն է, ինչը և համապատասխանում էր իրականությանը: 1936 թ. հետո, երբ ընդունվեց ԽՍՀՄ նոր (ստալինյան) սահմանադրությունը, մարզը պաշտոնապես վերանվանվեց « » (): Մարզի անվանման մասն ձևակերպումը ենթադրում էր, որ մարզն ընդգրկում էր Լեռնային Ղարաբաղն ամբողջությամբ, այլ ոչ թե նրա մի հատվածը: Դա, իհարկե, աշխարհագրական և քաղաքական իրողությունների լիակատար նենգափոխում էր և խեղաթյուրում, որը կոչված էր արտաքին աշխարհից թաքցնելու Արցախի հսկայական տարածքների օտարումը և ադրբեջականացումը:

Արցախի յուրացմանն ուղղված Ադրբեջանի քայլերը, բնականաբար, այսքանով չէին սահմանափակվում: Բավական է միայն նայել խորհրդային տարիներից ստացված տարածաշրջանի պաշտոնական քարտեզներին, հասկանալու համար, որ անգամ Արցախի մի փոքր հատվածում կազմավորված մարզի սահմաններն ու տարածքները տասնամյակներ շարունակ անընդհատ վերածնվել են և ենթարկվել փոփոխությունների, իհարկե, ոչ հօգուտ մարզի և արցախահայության: Ինքնավար մարզի վարչատարածքային վերածափանցումների արդյունքում մի շարք հայկական բնակավայրեր և հողատարածքներ, որոնք իրենց աշխարհագրական դիրքով և ռազմավարական նշանակությամբ կարևոր կապող օղակ էին Սյունիքի և Արցախի միջև, աստիճանաբար պոկվում էին մարզից և բռնակցվում նորաստեղծ ադրբեջանական շրջաններին:

Իր կազմավորման սկզբնական շրջանում ԼՂԻՄ-ը խորհրդային Հայաստանի հետ ընդհանուր սահման ուներ, որն անցնում էր Հազարի գետով՝ Գորիսի շրջանի Տեղ և Կոռնիձոր գյուղերի տարածքով (նկար 1): Լեռնային Ղարաբաղն

* Այդ կերպ խորհրդային իշխանության 70 տարիների ընթացքում հայկական Նախիջևանը զրկվեց իր հայ բնակչությունից և թուրքացվեց: Ադրբեջանական իշխանությունները տեղաբնիկ հայ նախիջևանցիներին աստիճանաբար դուրս մղեցին շրջանից՝ «փոխարինելով» նրանց թուրք «նախիջևանցիներով», և այդ ամենը խորհրդային քաղաքացիների աչքերի առջև, բայց նրանց գիտությունից դուրս: Նույն գործընթացը տեղի էր ունենում նաև ԼՂԻՄ-ում:

¹ Մարզի նոր անվանումը պաշտոնապես ամրագրվում է ԽՍՀՄ 1936 թ. սահմանադրության մեջ. «В Азербайджанской Советской Социалистической Республике состоят Нахичеванская Автономная Советская Социалистическая Республика и Нагорно-Карабахская автономная область». (Конституция СССР (утверждена постановлением чрезвычайного VIII Съезда Советов СССР от 5 декабря 1936 г.), глава II, статья 24). http://constitution.garant.ru/history/ussr-rsfsr/1936/red_1936/3958676/

ադրբեջանականացնել ցանկացող Ադրբեջանի համար այս իրողությունը լուրջ խոչընդոտ կարող էր հանդիսանալ: ԼՂԻՄ-ը Հայաստանից վերջնականապես կտրելու նպատակով մարզի կազմավորումից օրեր անց՝ 1923 թ. հուլիսի 21-ին, Ադրբեջանի ԽՍՀ կենտրոնական մասի և հանրապետության կոմիսարների խորհրդի որոշմամբ արհեստականորեն ստեղծվում է Կարմիր Քրդստանի գավառը:

ՆԿԱՐ 1¹



Քուրդիստանի գավառը գտնվում էր խորհրդային Հայաստանի ու Լեռնային Ղարաբաղի միջև և ներառում էր հետագայում կազմավորված Քելբաջարի, Լաչինի և մասամբ Կուբաթլուի շրջանները: Այդ տարածքները մտնում էին պատմական Հայաստանի Արցախ և Սյունիք նահանգների մեջ և ընդհուպ մինչև XVIII դարը զրեթե բացառապես հայաբնակ էին: XVIII դարից սկսած ռուս-թուրքական, թուրք-պարսկական

պատերազմների արդյունքում այդ շրջանների հայ բնակչության մի մասը կոտորվել էր, մի մասն էլ՝ հարկադրված բռնել գաղթի ճանապարհը: Ղարաբաղի դատարկված այդ տարածքներն սկսել էին արագորեն բնակեցվել իսլամադավան քոչվոր ցեղերով, հատկապես՝ քրդերով: 1918-1920 թթ. նուսավաթական Ադրբեջանն Արցախի և արցախահայության դեմ իր պայքարում օգտագործում էր նաև քրդական գործոնը: Անդրկովկասյան թուրքերի համար հիմնական հրամայականը Լեռնային Ղարաբաղի արևմտյան լեռնային շրջանների վերջնականապես հայաթափումն էր և հայկական պետության ու Ղարաբաղի միջև էթնիկական անջրպետի ստեղծումը, որից հետո միայն հնարավոր կլիներ ժողովրդագրական առումով ԼՂ-ն անջատել Հայաստանից՝ դրանից բխող բոլոր հետևանքներով:

Քրդական վարչատարածքային կազմավորումը գոյատևեց ընդամենը մի քանի տարի՝ 1923-1930 թթ.²: Գավառը լուծարելուց հետո այդ տարածքում ձևավորվեցին ԱդրխՍՀ առանձին վարչական միավորներ՝ Լաչինի, Քելբաջարի և մասամբ Կուբաթլուի շրջանները: Ընդ որում՝ ԼՂԻՄ-ի այն հատվածը, որը սահմանակցում էր Հայաստանի հետ, լռելյայն դուրս բերվեց մարզի կազմից և մտցվեց Լաչինի շրջանի մեջ: Այդ կերպ

¹ ՀԽՍՀ-ի պաշտոնական քարտեզ, տպագրված ԽՍՀՄ-ում, 3, 1926 թ., 417:

² 1923 թ. հուլիսի 16-ից 1929 թ. դեկտեմբերի 8-ը՝ որպես Քուրդստանի գավառ, 1930 թ. մայիսի 25-ից 1930 հուլիսի 23-ը՝ որպես Քուրդիստանի օկրուգ, որի կազմի մեջ նախկին գավառի տարածքից բացի մտան նաև Չանգեվանի շրջանն ամբողջությամբ և Ջաբրայիլի շրջանի մի մասը: Կարմիր Քրդստանի ստեղծման պատմության, էթնոքաղաքական իրավիճակի, ինչպես նաև նրա կազմավորման ու լուծարման աշխարհաքաղաքական ասպեկտների մասին ավելի մանրամասն տես Բաբայան Դ., Կարմիր Քրդստան. կազմավորման և լուծարման աշխարհաքաղաքական ասպեկտները, «21-րդ դար», թիվ 4 (10), Երևան, 2005 թ. էջ 83-106:

ԼՂԻՄ-ը կորցրեց Հայաստանի հետ իր ընդհանուր սահմանը և վերածվեց անկլավի Խորհրդային Ադրբեջանի տարածքում:

1923 թ. օգոստոսի 6-ին Ադրբեջանի կենտրոնական կառավարությունը հրամանով Լեռնային Ղարաբաղի՝ ԼՂԻՄ-ի սահմաններից դուրս թողնված մնացյալ տարածքներում ստեղծվեցին նաև Աղդամի և Ջեբրայիլի գավառները¹: Դիզակի (հետագայում՝ Հադրութի) շրջանի նախալեռնային Եղիլուի և Տողի ենթաշրջանների միջև սեպ խրելու նպատակով նրանց միջև գտնվող Հողեր հայկական գյուղը 1938 թ. դուրս բերվեց շրջանի ենթակայությունից և միացվեց հարևան Կարյազիոյի շրջանին (հետագայում՝ Ֆիզուլիի շրջան)²: Հադրութի շրջանի մեկ այլ՝ Հարար գյուղը, որը գտնվում էր Հագարի գետի ձախ ափին և կապող օղակ էր հանդիսանում Արցախի և Սյունիքի միջև, 20-ական թթ. վերջերին կրկին կամայականորեն դուրս բերվեց մարզի կազմից և բռնակցվեց Լաչինի շրջանին՝ անվանափոխվելով Ջաֆարաբադի³: Հայկական ճարտարապետության գոհարներից մեկը՝ Դադի վանքի համալիրը, իրեն հարող Մեսրոպական գյուղի հետ անջատվեց Ջրաբերդից (Մարտակերտի շրջան) և միացվեց Քյալբաջարի շրջանին՝ միմյանցից տարանջատելով Խաչենը և Սևանի ավազանը: Նույն կերպ Հին Շեն հայկական գյուղը հարակից բնակավայրերի հետ միասին «հայտնվեց» Լաչինի շրջանում՝ վերածվելով հսկայական արհեստական խոռոչի Շուշիի և Հադրութի շրջանների միջև⁴: Այդ բոլոր գյուղերն ու բնակավայրերը, որպես կանոն, ժամանակի ընթացքում հայաթափվեցին, բնակեցվեցին ադրբեջանցիներով և ամբողջապես թուրքացվեցին:

Ադրբեջանի իշխանությունների կողմից ԼՂԻՄ-ի կամայական վերածնունդը և տարածքային յուրացումները, իհարկե, այսքանը չէին: Մարզի այս կերպ մասնատման հետ զուգահեռ հանրապետության ղեկավարները մարզի տարածքից նոր հողակտորներ պոկելու և օտարելու այլ մեխանիզմ էլ էին կիրառում: ԼՂԻՄ-ի ներսում և հատկապես ներմարզային ճանապարհային հանգույցների վրա և այն վայրերում, որտեղ ծրագրվում էր ճանապարհ կառուցել, իրար հետևից հիմնվում կամ առանձնացվում էին թուրքական նոր անկլավ-գյուղեր, որոնք անմիջապես դուրս էին

¹ К истории образования Нагорно-Карабахской автономной области Азербайджанской ССР. 1918 - 1925: , , 1989. . 173-174.

² Մկրտչյան Շ., Լեռնային Ղարաբաղ. Ադրբեջանի իրականացրած ցեղասպանության անատոմիան (1920-1988 թթ.), Ստեփանակերտ, 2003 թ., էջ 73:

³ Այստեղ հարկ է նշել, որ հայկական տարածքների յուրացման ծրագրի մեջ Ադրբեջանը հատուկ տեղ էր հատկացնում հայկական պատմական տեղանունների թրքացմանը (հար և նման իր ավագ եղբայր Թուրքիային, որը փոփոխում և թրքացնում էր հայկական տեղանունները ամբողջ Արևմտյան Հայաստանի տարածքում): Այդպես հայկական Հակը դարձավ Մինքենդ, Գետաշենը՝ Չայքենդ, Քարահաղը՝ Դաշքեսան, Խնձորուտը՝ Ալմալու, Սևքարը՝ Քարադաշ, Քարինտակը՝ Դաշտալի, Սարիշենը՝ Բուզլուխ, Քարվաճառը՝ Քելբաջար, Քաշաթաղն ու Բերձորը՝ Լաչին, Աղստը՝ Ակստաֆա, Միջնավանը՝ Մինջևան, Մարտակերտը՝ Ազդերե, Մարտունին՝ Խոջավենդ, Վանքը՝ Վանքլու, Ավետարանոցը՝ Չանախի, Քարագլուխը՝ Դաշբաշի, Շակաշենը՝ Խանլար, Խանձածորը՝ Աղաջաքենդ, Սեժենը՝ Ուլու Ղարաբակ, Մոխրաթաղը՝ Կիլիկ Ղարաբեկ, Նորագյուղը՝ Թագաքենդ, Հաթերքը՝ Հասանրիզ և այլն: Նույնը տեղի էր ունենում նաև աշխարհագրական այլ անվանումների հետ:

⁴ Մկրտչյան Շ., Լեռնային Ղարաբաղ. Ադրբեջանի իրականացրած ցեղասպանության անատոմիան (1920-1988 թթ.), Ստեփանակերտ, 2003 թ., էջ 74:

բերվում մարզի ենթակայությունից և վարչականորեն վերանախարհվում հարևան ադրբեջանական շրջաններին¹: Այդպես ստեղծվեցին, օրինակ, Վերին Վեյսալի (Մարտունու շրջան) և Աղաբան (Մարտակերտի շրջան) թուրքական գյուղերը, որոնք միանգամից միացվեցին համապատասխանաբար Ֆիզուլու և Քելբաջարի շրջաններին:

Հարկ է նշել, որ ԼՂԻՄ-ից պոկված յուրաքանչյուր հայկական գյուղի հետ միասին մարզից անջատվում և հարևան ադրբեջանական շրջաններին էին բռնակցվում նաև գուղապատկան վարելահողերն ու արոտավայրերը, ինչը մեծ հարված էր մարզի գյուղատնտեսությանը: Ադրբեջանի իշխանությունները հայկական ինքնավարության սահմանները գծելիս այնպես էին կտրատել և մարզից դուրս թողել Արցախի ժողովրդին պատկանող հողերը, որ մարզն արդեն 1925-ին դարձել էր ամենասակավաճող ողջ ԱդրեսՄ-ում. ԼՂԻՄ-ում մեկ շնչին բաժին էր հասնում մոտ 0.5-1 հա հողակտոր, մինչդեռ հարևան Աղդամի և Ջեբրայիլի շրջաններում, օրինակ, մեկ շնչին բաժին էր ընկնում մոտ 9700 անգամ ավելի մեծ՝ մոտ 4360 հա հողակտոր²:

ՆԿԱՐ 2³



Այսպիսով, մոտ երկու տասնամյակ շարունակ ԼՂԻՄ-ի տարածքային յուրացմանն ու թուրքացմանն ուղղված Ադրբեջանի հետևողական քաղաքականության արդյունքում, որն ի դեպ շարունակվեց նաև հետագայում, տարբեր պատրվակներով մարզի սահմաններից պարբերաբար պոկվում և նրա ենթակայությունից դուրս էին բերվում գյուղեր ու հողատարածքներ և միացվում էին հարևան շրջաններին: Այդ բոլոր բնակավայրերը, առանց բացառության, ժամանակի ընթացքում հայաթափվում էին, բնակեցվում ադրբեջանցիներով և ամբողջապես թուրքացվում: Արդեն 1930-ականների վերջին մարզը սեղմվել և վերածվել էր բոլոր կողմերից ծվատված, մոտ 4.5 կմ²


տարածք ընդգրկող մի շրջանի, որը ոչնչով չէր հիշեցնում ոչ պատմական Հայաստանի Արցախ աշխարհը, ոչ անգամ 1923-ին կազմա-վորված Լեռնային Ղարաբաղի Ինքնավար Մարզը:

¹ Մկրտչյան Շ., Լեռնային Ղարաբաղ. Ադրբեջանի իրականացրած ցեղասպանության անատոմիան (1920-1988 թթ.), Ստեփանակերտ, 2003 թ., էջ 74

² Мелик-Шахназаров А., Нагорный Карабах. Факты против лжи, Москва, 2009, с. 75.

³ ԼՂԻՄ-ի պաշտոնական քարտեզ, տպագրված ԽՍՀՄ-ում, Большая Советская Энциклопедия, т. 29, Москва, 1954 г., с. 32.

ԼՂԻՍ-ի սահմանները 1926 թ.-ին



ԼՂԻՍ-ի սահմանները 1940-ական թթ.



ՆԱԿՐ 3 – Նկարում պատկերված քարտեզներից առաջինը ՀՆՍՀ-ի պաշտոնական քարտեզն է (Большая Советская Энциклопедия, 1-ое изд., т. 3, Москва, 1926 г., с. 417), երկրորդը՝ ԱրտՍՀ-ի պաշտոնական քարտեզը (Большая Советская Энциклопедия, 2-ое изд., т. 1, Москва, 1949 г., с. 434-435 (вставка)): Այս քարտեզներում հստակ երևում են ԼՂԻՍ-ի սահմանների կանայական փոփոխությունները, որոնց արդյունքում մարզի տարածքը նկատելիորեն նվազել է և կորցրել խորհրդային Հայաստանի հետ իր ընդհանուր սահմանը:
Քարտեզներից պարզ երևում է, որ նշված ժամանակաշրջանում ՀՆՍՀ-ի արևելյան սահմանագիծը ևս ենթարկվել է փոփոխության: զգալի տարածքներ ՀՆՍՀ-ից անցել են ԱրտՍՀ-ի ենթակայության տակ, Հայաստանի տարածքում առաջացել են 3 արրբեջանական անկլավներ, Արժվաշեն գյուղը էլ, տարածքային կորուստների հետևանքով, իր հերթին, վերածվել է հայկական անկլավի Արրբեջանի կազմում:

Ալվինա Աղաբաբյան, ԼՂԻՄ-ի տարածքային յուրացման որոշ դրսևորումներ 1920-1930-ական թթ. – Հոդվածում ներկայացված է 1920-1930 թթ խորհրդային Ադրբեջանի ազգային խտրական քաղաքականությունը՝ ուղղված իրեն բռնակցված ԼՂ-ի ընդամենը մի հատվածի վրա կազմավորված ԼՂԻՄ-ի տարածքային յուրացմանն ու թրքացմանը: Ցույց է տրվում, թե ինչպես են երկու տասնամյակի ընթացքում ԼՂ ինքնավար մարզի սահմաններն ու տարածքները շարունակ վերածնվել են և ենթարկվել փոփոխությունների, որոնց արդյունքում իրենց աշխարհագրական դիրքով և ռազմավարական նշանակությամբ Սյունիքի և Արցախի միջև կարևոր կապող օղակ հանդիսացող մի շարք հայկական բնակավայրեր և հողատարածքներ աստիճանաբար պոկվել են մարզից և բռնակցվել նորաստեղծ ադրբեջանական շրջաններին:

Альвина Агабабян, Некоторые проявления присвоения территорий НКАО в 1920-1930 гг. –

Alvina Aghababyan, Some manifestation of territorial appropriation of NKAO in 1920-1930's – The article presents the discriminatory national policy of Azerbaijan aimed at appropriation and turkification of the territories of NKA formed only on a part of the annexed Mountainous Karabakh. It also shows how within two decades the borders and territories of NKA have constantly been recarved and changed. As a result some Armenian settlements and territories, which were the connecting link between Syunik and Artsakh by their geographic location and strategic significance, were gradually severed from the autonomous region and annexed to the newly created Azerbaijani districts.

Ալվինա Աղաբաբյան – ԵՊՀ պատմության ֆակուլտետի հայոց պատմության ամբիոնի հայցորդ, ԵՊՀ ժուռնալիստիկայի ֆակուլտետի ռադիոհեռուստատեսային ժուռնալիստիկայի ամբիոնի դասախոս, ԵՊՀ ռազմավարական հետազոտությունների ԳՀ լաբորատորիայի ղեկավար

